

Тошкент вилоятидаги йўлсозларнинг эришаётган натижалари



Тошкент вилотида автомобиль йўлларини қўнгилдагидек сақлаш, уларни таъмирлаш ва қайта қуриш бўйича салмоқли ишлар амалга оширилмоқда. Бу борада эса Автомобиль йўллари давлат қўмитасининг вилоятдаги бўлинмаси жамоаси жонбозлик қўрсатмоқда.

Вилоят ҳудудидан ўтган 14319,2 километр узунликдаги автомобиль йўлларининг сифати ва ҳолати – вилоятдаги йўлсозларнинг доимий эътиборида бўлиб келмоқда. Бу йўлларнинг 10 минг километрдан зиёди – ички хўжалик йўллари бўлса, 3965 км қисми – умумий фойдаланувдаги, шу жумладан, унинг 400 км қисми – халқаро, 1241 км қисми – давлат, қолган 2324 км қисми эса – маҳаллий аҳамиятдаги автомобиль йўллариdir.



Пойтахтдан Бекобод, Самарқанд ёки Чимён томонларга йўлингиз тушса, яъни вилоятни мамлакатнинг қўшни миңтақалари билан боғлайдиган йўллардан ўтсангиз, сўнгги йилларида автомобиль йўлларимизни халқаро талабларга мослаштириш мақсадида қилинган ишларнинг нечоғли самаралигига ўзингиз ҳам гувоҳ бўлишингиз мумкин.

Жорий йилдаги Инвестиция дастурига кўра вилоят ҳудудида жами 8 та объект режага киритилган бўлиб, жами 7,5 км автомобиль йўлларини қуриш ва реконструкция қилиш кўзда тутилган. Мазкур ишлар асосан "Гулистан-Оҳангарон", "Оҳангарон-Ангрен" йўналишларида ҳамда Қибрай ва Юқори Чирчиқ туманлари ҳудудидан ўтувчи асосий йўналишдаги автомобиль йўлларида амалга оширилади. Бугунги кунда ушбу объектларнинг трасса йўналишларини белгилаш ва лойиҳа-смета хужжатларини тайёрлаш ишлари якунига етмоқда. Қибрай ва Юқори Чирчиқ туманларини Тошкент шахри билан боғловчи янги автомобиль йўлини қуриш ишлари бошланган бўлиб, бугунги кунда дастлабки ер ишлари бажарилмоқда.



Бундан ташқари вилоят ҳудудида жами 13 та объект тўла таъмирлаш режасига киритилган бўлиб, жами 8 км узунликдаги автомобиль йўлларини тўла таъмирлаш кўзда тутилган. Бугунги кунда дастурга киритилган 4Р2 "Тошкент ш. – Нурафшон ш." автомобиль йўлининг 11-13,5 километрлари ва 17,5-26,5 километрлари қисмида таъмирлаш ишлари бажарилмоқда.



Йўллар – йилнинг тўрт фаслида ҳам доимий эътибор ва меҳнат талаб қиласиган иқтисоднинг қон томирлари хисобланади. Бугунги кунда вилоятнинг барча туманларидағи умумий фойдаланишдаги автомобиль йўлларида жорий таъмирлаш ишлари олиб борилмоқда. Хусусан, жами 6,8 км узунликда йўл қатнов қисми таъмирланди. Юқоридагилардан ташқари жорий йилда 259,2 км узунликдаги ички йўлларни таъмирлаш режалаштирилган.

Автомобиль йўллари давлат қўмитаси

матбуот хизмати